

定山堂詩集

定山堂詩集卷三十三

五言排律

廿六首

花朝同敬哉韞退玉叔爾唯舒章芥菴社集
秋岳齋限韻十體

南歸舟中述懷寄秋岳用杜工部寄賈司馬
嚴使君五十韻

爲秋岳悼亡用李長吉惱公韻

寄懷吳雪航侍御和宋玉叔韻

晚泊荒洲用李獻吉冬至飲劉氏莊園韻

秋晚舟行述懷用李獻吉訪王生山中韻

寄懷袁籜菴水部用杜少陵寄劉峽州伯華

使君四十韻

有小引

真州江口阻風屢日忽爾解纜便達金陵卽

事述懷用杜工部白帝放船四十韻

石城放舟後卽事言懷

用杜工部水宿遣興韻

擬艷體用李義山鏡檻韻

季夏集萬年少隰西草堂

同唐祖命王于一顧偉南陳階六

愚山諸子戲

哭方孩米先生

用王弼州哭李汧公一百二韻

贈李十二小有

用杜工部寄李十二白廿韻

雨集愚公僅三齋中卽席同孝威賦分得九

青韻

又和孝威元字韻

戲爲徐子文漪二十初度

秋岳以紀病詩三十六韻見示我貧也非病

也因爲紀貧詩和韻

壽陶康叔八月十六日五袞初度

和答方爾止

同道開諸子過穆倩寓園

廣陵元夜偶閉門花下小飲醉後友沂園次
仲調見過呼酒重飲達旦卽席限二十韻

同賦

早春友沂招同伯紫孝威園次仙裳定九諸
子由天寧寺橋泛舟至平山堂踏草記事
五十韻分得虞字

秋夜澹心招同洞門友沂寤明孟新雨中社

集遲與泊不至適仲調歸自京口卽席限
韻

九日邀趙洞門友沂陳涉江張紫淀何寤明
宋又韓邢孟貞杜于皇鄧孝威紀伯紫余
潛心白孟新仲調姚寒玉登容與臺時張
燕筑丁繼之王公遠諸君度曲角技趙玉
林徐欽我文漪介玉叔氏鳴玉冢弟孝積
竝下榻市隱園集飲甚歡

家農部古恭兄招同柳鳳瞻趙洞門張穉恭

紀伯紫顧修遠程穆倩吳園次集齋中聽

雨限十二韻

春日王鐵山司空招同柳鳳瞻趙洞門程穆
倩攜其過寓園卽席限韻

定山堂詩集卷三十三

姪嘉稽

淮南龔鼎孳孝升著

男士稹全較

弟鼎珩孝積訂

士稚

五言排律

花朝同敬哉韞退玉叔界菴爾睢舒章社集

秋岳齋限韻十體

詠諧師曼倩愁思託張衡縱酒心仍苦彈碁局不
平銅仙初徙苑王馬正朝京萬事煙霜改頻年鼓

角驚關山淒倚笛父老望休兵身在千秋失心孤
百感生朔鴻催髣髴幕燕誤公卿江左空三閣天
涯滯一檠管寧今割席伍舉舊班荆國色交蘭畹
高言炫錦鯨歎歌筵幾疊燈火月三更惑溺啼烏
曲艱難猛虎行壯懷耽逐鹿春事豔聞鶯醉豈憂
金盡吟都比玉清解憐憑欲殺難遣未無情尙有
賓朋在何辭羽蓋迎花宜籠趙瑟壁肯易秦城握
手當風歎攢眉變徵聲已嗟滄海晚誰令泰山輕
陵谷蒼茫後徒傷結客名

南歸舟中述懷寄秋岳川社工部寄賈司馬

嚴使君五十韻

襖被風塵外揚舲水驛邊
飄蓬人恨甚行李色蕭
然聽鴈孤懷迥挑燈夜話偏
旅愁天上得秋夢月中懸
麻袖含清淚垂楊記別筵
時方背庾鮑吾自愧參騫
久負章門約

謂雪堂先生送初諸子

遲牽

笠澤船

謂舒章

雕龍曾借一奮臂起當千金馬新

占歲銅駝舊卜漣淹留知失計鉛槧慰攻堅爭逐
齊梁駕難呼屈宋天芳尊橫笛裏游屐落花前細

柳真成壁崑崙擬據巔雲霞生瀚海鼓吹壯幽燕
中駟猶空冀長鯨縱吸川何辰乖聚集異士冷盤
旋翡翠矜籠筆珊瑚笑倒鞭小兒惟德祖薄謫亦
神仙環碧棲鴉樹西山捲幔煙吞聲陳夙昔擇地
灑潺湲野艸淒涼剽臨春結束鮮錦帆無日月大
府有金錢鐘簴移宮井琵琶濕紫綿

指金陵也相

期存穀卵忍詔貴鴛肩雙白安蘅萼餘生抵醉眠
返魂烽火報雪涕亂離牋潘御傷吾窶萊衣羨汝
賢窮途纔躑躅奇禍歟連翩陟岵驚穹圉攀髯悔

瓦全烏號霜霰積鷄骨友朋憐多難成溫嶠脚穿
對鄭虔微軀拋已晚薄命怨誰先空化啼爲血從
悲齒欲穿百年汚汗簡宿業汨青蓮巧值焚琴候
羞稱感遇篇蓼莪章自廢誣詠語還傳錄罪連螺
黛追讐及管絃周攻真有策劉肋合承拳令細謹
驅客人狂競飲泉排疑煩一網案坐訝同年虎噬
都無避蛾眉那可捐不妨投昊贊幸有劒芝田江
令頭皆黑楊雄字尙立浮沉聊復爾草土獨休焉
蹤跡仍吹梗漁樵畏拓弦世情消落寞物理或推

遷劍許延津合珠宜照乘聯放歌勞歲序端策信
迴遭阮籍哀非過邊生腹故便崢嶸曹子建大雅
妙飛騫

爲秋岳悼亡用李長吉惱公韻

擘桃憐小靨彈荔墜輕紅雒珮乘靈霧瓊烟散綺
取影如春絮遠妝憶露華濃鸚鵡窺蟾鏡梅檀冷
鈿筒藥疑偷玉杵浪只打秋蕩蛤帳留立的蝦鬚
網綠蟲窓知百和語衾吐合歡茸樓鳳凭簫迥奩
蛛受粉融當年釵挿鬢無那步臨風理櫂迎仙葉

吹燈護錦蓉艷將鴉鬢發羞仗麝巾籠犀帖衝梁
燕蓮窠穩蜜蜂豸冠蘭袖拂羅襪水晶蒙寶扇分
天賜吳紈壓鬼寶勻脂供繡虎掃黛健當熊冰立
看囊筆波橫濺楚弓同心人是柏幽閣氣如虹倉
卒甘泉火蒼茫函谷封有金埋將相無劒倚崆峒
萬戶聞哀鴻千官哭鼎龍河山隋苑草風雨漢臺
銅樵悴孤臣泣堅貞女士蹤血甘陵土碧衣惜御
爐烘完壁存瑤瑟鋪香種鹿葱旅愁寬塞鴈彤管
奉江楓夫子騰嘉譽詞場起峻壙葡萄名最古茵

定山堂詩集

五言排律
四

卷三

舊色偏穠惆悵梁家總譏彈霍氏馮調鶯澆磊塊
遣騎召絲桐步鄣紛相籍油車晚自從纏綿溫蕙
性親切泥雕櫳比翼翻文沼柔條擅永豐期尋霞
外駕兼擷故園菰雲母纔裝館樵青可署僮身憑
呼翡翠郎愛躍花驄鄭重真珠掌霏微絳雪容茱
萸修帶結蛺蝶盛年充鬢瘦清霜後腸迴石闕中
啼鵲絨舌剪墮馬臑鬟髮入夢神題峽招魂客自
叩長生門竟鎖銀漢鵲難通潘岳心搖落休文體
病慵覓裳瀛海見樺燭繡帷逢展匣芳痕濕挑琴

密意忪伯勞飛漸香溝水識成凶
琬字鐫南國玫瑰折舊宮真消紅
蠟淚空羨白頭翁嬌女珊瑚擁
遺珪瑞腦縫烏迷建業樹月過景
陽鐘好向楊枝覓多情本易空

寄懷吳雪航侍御和宋玉叔韻

手摘星辰下身猶日月傍驄行搖地軸鳳起燦天章
勁草凌霜雪殷雷破蜚藏呼嶸曾執戟披寫忽呼聞
折檻伸孤憤危軀奠萬方片言皆苦口十漸必宏綱
風采圖宣室聲名走越裳道能貞氣數治

望返軒皇皎日長沙淚孤雲季札鄉畏人客汲黯

祝世棄弘羊正色消山鬼虛襟逾谷王

雪舫于子
執禮過恭

予方淪鼎鑊君慎耀干將縞帶交原古綈袍戀自
長愁遙率旅鵲夢近託河魴珍重雲霄字題書報
鴈行

晚泊荒洲用李獻吉冬至飲劉氏莊園韻

星連荒渚白岸轉暮帆紆旅色搖蓬燭鄉心老碧
蕪夜漁依火出秋鴈通天孤風日愁雙槩行藏足
五湖旗亭人易散彭澤酒難呼麋鹿疑蹤跡鳬鷗

狎道途月微寒藻見霜近夏蟲徂有恨悲啼切難
消病骨蘇短歌埋骭髀長劒失伊吾萬事蕭條後
崎嶇悔壯夫

秋晚舟行述懷用李獻吉訪王生山中韻

薄寒秋霧合侵曉遠鴻過地僻違豺虎天高起鵲
鵝餘生懷躑躅不寐閱風波萬里行游嬾千春感
慨多記曾攀露掌親得聽雲和朱紱聯辭藻青蠅
避護呵艱危留庾信酒筑合荆軻詠每連宵並頭
長過午科關山憑噩夢歲月衍微醺世又紛車馬

定山堂詩集

六

吾徒似澗阿五陵環杞棘七尺負菁莪往事青綾

被斜陽白玉珂逃名幽梵愜憶友考槃適

謂還山諸君子

也門只題岑寂途還戒側頗他鄉愁沈鮑舉國妬

陰何總帳鷦鷯泣商音蟋蟀歌悲隨流水曲慙對

故山窩粥粥尋雲樹深深選薜蘿垂綸邀暮鳥儲

展點春螺竟許碑沉谷無勞手障河前身疑木石

來日付羲和但祝柴桑里花時罷枕戈

奇懷袁籜菴水部用杜少陵寄劉峽州伯華

使君四十韻

有小引

丙戌秋扶服南還抵清源則已爲中秋前
二日籜菴存我甚至痛楚中得見故人屬
且聞戒小爲停泊數宵瀕行復挈舟送我
幾及百里此義古人哉不孝孤于世棄骸
耳自傷七尺當骨人口或不免以餘波濺
知己而籜菴長者顧且安之卽一日不死
豈敢忘旅食彭衙時耶濟寧守渡用杜韵
粗述鄙懷神理久荒原唱復爾軋茁勉而
就此知不滿大雅一軒渠也

片颿寒漲濶古堞晚霞蒸飄泊辭燕市迢迢仗信
陵天清疎短髮地險戀良朋吾子金閫彥聲名鄴
下騰少年推白雪當代表朱繩寶匣霜鋒雋瑤堦
露彩澄娉婷身自惜蹀躞氣偏增曲許紅樓顧名
從鈿扇稱管簫扶夢度霓羽得仙昇紫障欣乘鳳
丹梯欲化鵬香吹青畹葯客浸玉壺冰夜雨蛾眉
鏡春風鴈足燈同時知己失傾座酒人能芍藥心
堪贈芙蓉掌自承文通孤恨結孝穆五雲徵湘嶠
行司馬菰蘆醉季鷹龍池鱗甲現狗監鬼神憑展

頤康衢近看山曉色凝時危安束縛才大黜虛矜
便面雕鞍縱烟霄健筆凌爲郎淹暇日驤首逼高
層水部吟成側官梅閣可登一從分使節忽已隔
晨興斗極懸星迫蕭齋臥雪仍詼諧人事過嬾嫚
世途應越鳥依枝暫饑鴟側目增其慙輸皂帽誰
分負烏藤骨立悲游子灰頽頽野僧跡真疑浪梗
望不到觚稜林鹿猶驚俎枯魚謹避罾衆皆危坎
圻君獨暖凌競揀擇存中散窮愁弔右丞譚嫌銀
燭剪憤對濁醪秤減米煩鄰乞推驂及角崩方舟

同嘯咏羣盜息擾矜失路翻相重傷弓總勿懲徐
生懷下榻阮籍罷沾膺蟬魄涼如洗驪樽綠似澗
全軀甘蠖屈贈子慎鴻臚千載芝房調應憐托尾
蠅

真州江口阻風累日忽爾解纜便達金陵卽
事迹懷用杜工部白帝放船四十韵

渡口淹維楫歸心鬱向隅江風吹寂寞天日照嗟
吁繫纜遙看鳥憑檣或戲鳬渚迴花蹴浪嶂起黛
侵膚拳鷺閒窺餌眠龍靜抱珠隔洲芳杜見到岸

綠莎枯海色浮能上烟波澹欲無雨橫三楚夢雲
散五陵娛懶癖虛車騎我肯閱轉輸與消探絕壁
悶擬逞康衢盡日餐眉嫵蕭然對賈胡釣奇輕巨
浪經亂惜殘軀此路紛憂患吾生足滯濡飄萍青
雀久乞米鷓鴣須忽報晨帆發初驚疾電趨身疑
生羽翼路已遠藤蘿跌宕千巖過艱危九折紆羨
人安草屨失計由桑樞目斷悠悠旆魂搖獵獵蒲
緩猶馳紫燕動不相銅烏槎泛初經斗橈停未逼
哺南朝原有寺建業舊稱都山水佳相得林園迥

不孤古磯壺鐵鎖綺戶闕流蘇櫺壁數天耻金貂
一國愚七成霞錦帳百濯博山鑪宮井人何往長
星識豈誣羊車遺秘苑鳳舸詫迷途摧拉誰堅甲
憑陵只豎儒倒戈謹大鎮飛艦越重湖誤國窮奇
遁當權豺虎逾芸暉森劍戟郿塢走寰區北寺羅
賢俊西園賣版圖奉頭仍蟒玉傾厦一枝梧鼎合
刊魍魎名還辱的盧最憐亡國壘曾掃相公塗歌
吹三吳燼鉛華六代殊嵇形餘土木江筆黯驪駒
渺爾將何適高居不可呼窮愁書轉廢毀瘠杖難

扶裾絕舍新痛鱗批漏昔誅茫茫傷衛玠不直感
崎嶇

石城放舟後卽事言懷

用杜工部水宿遣興
韻

波浪兼天濶鄉關到眼迷九秋遲鴈字萬里載鸞
篋失志因兵火逢人感雪泥親朋仍故國花柳本
芳堤碓送江雲北潮浮海月西巷深聞燕去城古
記烏啼往事消橫笛何山穩杖藜時賢紛管葛故
老或羹齊莫擊中流楫惟驚動地輦世憑悲失馬
吾自羨乘鷺丘壑身無恙烟霞屐早攜窮途辭猛

虎婁怨報莎雞荻冷催殘雨花深想舊蹊田園三
徑改圖畫片帆齋危石看鷗度斜陽藉草低避人
多難後決策一峰棲白社招宜入丹崖路可檉放
言存遠志隱几見天倪叔夜交常絕文通恨嬾題
百年游子淚回首濕青溪

擬艷體用李義山鏡檻韻

晶箔瓊枝立犀梁海燕過曉烟籠鈿雀春信鬧銀
鵝亞鏡微陳靨低帷似拍歌腰身擎綠鳳圖畫展
青螺一笑纔題石雙星竟渡河香防衣袖淺語漏

侍兒多鳳曲當宵奏菱花待月磨跳浪充粉蝶疼
惜寫宮蛾石幃圍何易秦簫識豈訛翼連丹檻鳥
鬢擅紫峰駝羅薦知雲熱文鸞想瑟和影猶猜洛
浦妙不數陽阿名士同閨閤奇言散綺羅兼金難
買刻半悲却迴波珠篋千秋草油轅二月莎麝衾
看睡足薄福是鳴珂

季夏集萬年少隰西草堂

同祖命于一傳南
階六愚山諸子賦

蓬蒿風日異處士繫前朝策杖開花逕臨河折柳
條琴書幽巷滿江海客星遙吾土傷王粲人才屬

鮑昭蘭醪偏解事栗里久尊腰此地愁金粉南州

自玉簫

嘲于
一也

清譚方疊疊玄箸並超超嵇阮能留

晉巢由獨遘堯天心茅屋見物態野雲饒山靜宜
燒蕪情芳總握椒龍藏應有地雞舞是何宵歲月
藜床度兵戈桂樹搖國風猶草澤大道本松喬猿
鶴安高枕烟波緩去舸德衰均歎鳳音好只疑鵲
沙暗離鴻路林荒鐵馬樵團瓢姑白眼燈火半紅
綃逸史傳駒谷餘生付鹿蕉綠蘿長嘯合錦瑟美
人調入社難逃醉相攜過虎橋

哭方孩未先生

用王弼州哭李于
鱗一百二十韻

爲世危吾道懷人惜大賢但容全勁節安敢怨皇
天星嶽鍾靈異風雷費埴埴萬夫歸望實一世待
培甄兒列融修時尊俊及權龍門惟奉李國寶
競推田廷論羹初沸蒼生眼欲穿崢嶸來殿虎擊
逐凜霜鵠字挾吳鉤出頭隨趙璧還如弦寧取直
置器亦羞圓身許逢干伍言爭陸賈先黼宸知斌
媚諧佞失便嬖四海登車日三朝痛哭前殷勤規
覆轍磊落洗陳筌弩必千鈞發金經百鍊堅君宗

方亢激公媼漸宜闐盈耳聞鵬鳩當門立蕙荃昌
言扶衆正絕學賴孤研忌任叢羣小心能告上玄
繡行何赫奕馳步豈迴還常侍羣搖手宮廷已戒
警巖疆垂燕幕早見休鍼黹夕扣中樞闕朝飛丞
相雙購才盈夾袋探焚類懷鉛袂起紆中憤呼高
急倒懸股看諸貴栗節讓使臣專萬騎譴騰飽全
牛縱解剗妙麾名士羽不愛好官錢按部聞申命
支傾岌障川皂囊圖壁壘熱血灑杯棬誰鬪蕭牆
刃平摧大厦梗抱頭俱入塞揮泣獨籌邊臂已全

師掉裝因正色褰將軍仍大樹幕府再紅蓮物倫
都超爾歸心正浩然朔風雙鬢色明月五湖船鈎
黨名原盛置羅禍復連檻車森突兀請室屈盤旋
盡厄龍蛇運疇吟鵬鳥篇事奇安嘯咏夢險隔潺
湲鯨吻援朋好珠林恣獵佃秦峰遺碩果爲同難
惠給諫
也淮龜企升仙喬固心膠漆荆高髮壯拳幾年衣
向市一日御乘乾詔忽重園啓人如萬仞巔奏書
神鬼動戀闕雨霜牽颺偃垂天翼波渟橫海鱣公
孤迷貝玉姓氏邊弓旃癖肯烟霞錮家憑猿鶴遷

定山堂詩集

五言排律
五

卷三

灌園彭澤徑適興剡溪舫尺劍驅虺豕長城鞏維
瀍塵搖江左雋鯖厭五侯羶記僕初披面欣然許
接肩垂楊纔繫馬桃葉正開陽賞泌輕呼友知牙
快鼓絃登臨存宿咏

先生愛余賀范質公司馬罷官詩刻之登臨共咏中

衣

鉢授微詮藹藹宜樽拍時時恕醉眠更持無礙意
雙惜有情年才豈傾城悅癡令入骨跼墜鞭人繼
綖縮髻語清妍駿馬工難覓文園客未痊有腸迴
庾沈計日窘盧福玉斧迢迢借花愁歷歷捐鴻魚
深慰籍書畫戒流傳

先生贈書有切勿賣弄詩画只似青天無處覓崑崙之語

桂魄輝長湛，茆山藥不瞑。文章消朽腐，意氣到嬋娟。
娟感欲捐軀，命恩真滿瑟。鉤幽娛聊共，賞奇患歛。
相緣編齒拚，逢怒排閭敢。擇便同文煩，簿對城旦。
抱書鑄不死，誠僥倖先生。恰撫填吾曹，差雨露廟。
社又烽烟閃，馭犇號墜銅。駝炬駭黷宮，鴉棲戶萬。
槐葉泣官干，長樂鐘空鎖。昭陽草自芊，華簪紛木。
索復道廢蛇，蜿蜒資志甘。溝壑全歸卽，屋仵冠纓駢。
燭燼寰宇遍，兵躔偪仄輪。牽犬翱翔羨，站鳶交游。
差已矣，閭閻影相憐。義並巫咸召，悲辭奉倩纏。懼。

傷公許可交委骨清漣一錯魂猶返千秋鬱莫宣
茂陵悽北極昆水咽南滇李表重陳後徐心遠奪
焉浮雲萬里合腰帶一春腹身世疑吹梗行藏枉
卜筮彼鹵司斗柄貯釜任烹煎鹿走翻懸俎猿驚
爲避弦故鄉知渺泐吾意只孿孿蠶室虛青眼烏
啼浥紫綿鳴鵲音轉怒林木蔓將延元祐碑題怨
漁陽罵塞咽幾人逃蠶尾徹夜吼龍泉莫近含沙
域難僵百足炫遺弓防得楚逐客或趨燕公合嬰
矰激羣方賀矯虔敵憂存隱豹往事懾寒蟬憤激

當彈血澄清想着鞭武侯身驟殞光弼壘猶鮮靈
曜收高漢神蛟返故淵精英留格帝解脫等安禪
將吏安遺教獠魑拜素筵魄依新息革忿識賀蘭
磚大雅衰人代風流足溯沿雄姿憂獨步逸翮憶
遐騫屈宋齊陪乘陰何總備員鴻章矜枕秘青史
蔚珠聯哲嗣翩翩鳳家風本粥飴完人同世定好
事讓公偏對酒河山邈亡琴歲月遄轂推塋恐玷
余曾有疏策扣慟尤縣朽笑汪黃速形嘲蜚志全
論薦公天關應挺挺豺虎莫睍睍阮籍今邴恤劉伶夙忍

拳典型胡寂寞。魍魎大連翩。車過唯衝腹。憂來欲
雪顛。喜無封禪草。不累義熙編。寫恨親澆絮。攜家
晚赴阡。中郎真不作。流涕碎柯椽。

贈李十二小有

用杜工部寄李
十二白二十韻

海內欽先輩。樽前似故人。野雲安落莫。饑鶴洗精
神。玄草心殊寂。龍門道獨伸。性情彝惠合。踪跡阮
嵇倫。書賜奎章舊。文傳玉案新。折腰餘骭髀。乞米
傍風塵。老去交游盡。時窮道路親。采蘭聊卒歲。繞
樹一憐身。有社陶元亮。無家鄭子真。香飛紈扇句。

醉許藥爐春行處花常擁蕭然月作鄰於陵元避
貴南舍肯憂貧狂更登床劇來因擢雪頻漁樵藁
傲士薇蕨飽孤臣看世如鷗鳥憑天厄鳳麟何須
知晉魏或可紀周秦大業宜藏酉完人豈不辰買
絲常繡趙下榻止依陳鍊苦空華胄埋名小渭濱
桃源真有否今古此迷津

雨集愚公僅三齋中卽席同孝威賦分得九

青韻

草色牽游袂蕭蕭六代青樽壘千里合離亂一身

經爭解芳蘭珮相憐槁木形鷗盟分几席漁父飽
清醒深夕來江雨高齋卧客星荷輕翻露葉荻蚤
畫秋汀兩部蛙何語三更蟬可聽涼新雲液椀燈
綠水精屏古磴長棲蘚虛臺一過螢河山誰采藤
天地此浮萍竹下人無恙柴門夜不扃接離甘笑
簡皂帽已輸寧白眼客疎放頻過倒玉甍

又和孝威元字韻

卜夜欣開徑違時得灌園客懷依依旅燕往事畏
猿過雨重溪咽當門老樹翻蕭條安隱几傾倒屬

清尊人有蓬蒿色廬辭車馬喧
埜雲霑檻濕高柳宿烟繁
晚磬幽連榻秋陰綠到軒
隔牆香積寺近市浣花邨
世肯容中聖吾聊與放言
楚臣工作賦望帝黯招魂
結侶寬王粲題書詆巨源
酒消長恨日袖忍未乾
痕是處迷桃洞無家植稻
孫窮愁空著述泛愛或寒
暄諸子狂相得深宵語更
溫何妨讐禮俗真擬共晨
昏入社攜康樂移居就陸
渾身閒丘壑置亂定菊松
存此興傷蕭瑟詞陳已復
吞戲爲徐子文漪二十初
度

江左諸年少推君當璧人王恭形是柳何晏粉爲
巾蘭芷長充珮旃樞偶賦身莫求難老藥且齧最
甘唇車後明珠擲花前小鳳嗔生當圍畫扇步必
選芳塵綵約東方朔清奇石季倫醉憐三與密笑
許兩行親宛轉依菱鏡殷勤捧繡輪蜜蜂纔撲掠
蛺蝶已精神圖史添幽韻風流映衆賓座中觴盡
菊橋外月如銀羅袖憑招采瓊簫待吹秦爲歡何
紀極二十到千春

秋岳以紀病詩三十六韻見示我貧也非病

也因爲紀貧詩和韻

路難添別恨興阻得春憐麗陌從花柳深愁閉管
絃世宜千日醉書窘一囊錢廝養驕金注乾坤隘
瓦全蠅樊紛戢戢漁澤盡涓涓梗泛孤鴻外身輕
小吏前拙詞彭澤米去醴穆生筵厭俗耽懸釜謀
生晚執鞭酒鑪真倦蜀筑市已輸燕眉歛醺醺候
心低雨雪邊賓朋環座冷釵釧逐時捐泛愛人何
有窮交見不鮮衣憎張祿憊闇炙武安權毛羽徒
摧絕風波尚愼旃五湖南阮舍雙鬢北門篇泉斷

廉同汲僊憂直似荳稻肥饑鶴遠色舉海鷗偏疇
昔辭蓬戶雲霄起盛年鳴鑣桃李苑曳綬鼓笳天
戍火披牙軸琴床枕血鋌七霜冰鐵過兩袖芷蘭
牽家訓早謀食微名凜涉淵諍規官乍忝狂瞽疾
難痊書抗雷霆上扉持虎豹脫搶呼纔木吏涕淚
忽金仙羈旅人才賤崎嶇禍事聯廢我游子篋飛
霰國門船故館飈狐出枯岑杞棘纏無林投倦鳥
比屋到啼鴟襍被偕修黛防偷斥舊璫園亭晴日
展貨殖老生編幽士歌相和滄江卧不旋筮龜憑

正則爵里讓僧虔與物消營競爲歡息眡胙道安
羣吠恠詩取萬夫傳永謝當塗色於陵太灑然

壽陶康叔八月十六日五泰初度

我愛稱弘景人誰邁子喬松風吹綠簡笙鶴下丹
霄運甕家聲舊登龍世裔遙祖孫欣御李昆季羨
聯鑣蘭佩綿三葉貂蟬自六朝文禽苞迥貴天馬
步能驕錦出宮裁艷花因邑種饒半江分燧火萬
甲奔騰駢論實安危仗兵期指顧消壯心南渡屈
遠志北山招避世借漁父移居傍畫橋碧霞晨繫

艇紅燭夜聞簫采藥增幽侶浮萍得久要海門秋
浪湧靈鷲月香飄風慧胎金粟當間掛玉弔過知
蘧瑗寡鬢晒表微凋白傳緋徒侈平原樂竟超一
歌將進酒千里爲停橈阿母桃偷朔先生柳姓陶
歲星兼作客嶽降止通潮川瀆精開翁崑崙影動
搖未須滄海使早奏白雲謠他日看黃綺衣冠偉
漢輅

和答方爾止

湖海何人至蓬蒿剪一堦爲憐今夜雪相慰十年

懷高譽聞疇昔清言冠等儔市朝誰魏晉兵甲正
江淮龍卧居難卜鴻冥侶可偕吟成青玉案色動
辟寒釵見贈有德曜
偕隱之句醫卜存吾道林臯遠積霏放
帆歸故國留客老天涯二仲能開徑餘生穩乞骸
世容園吏傲難待魯連排他日重扶醉還來繡佛
齋時以墨繡大士見贈

同道開諸子過穆倩寓園

何地無丘壑幽篁此竟深到門人倚榻開卷客
吟曲水搖舟路孤城落日陰一籬當嶼出殘水想

秋尋雪霽翻冰鯉天高下野禽戰場荒草合歲鼓
晚寒侵歷落唯茅宇蕭條似故林徑分鳴鏑候風
急射雕心石老雙橫几堂空欲動琴遙憐樓閣迥
曾是月華臨坦步僧同健浮名懶自沈戎旃從闕
伐爾我各崎嶇勿厭過逢數飛蓬起盍簪

廣陵元夜偶閑門花下小飲醉後友沂園次
仲調見過呼酒重飲是旦卽席限二十韻

同賦

欲午朱樓夕重逢白玉枝雕欄香不斷金鎖步初

移燈月人雙影烟波酒一卮自憐羅袖倚消得暮
笳吹佳客分眠晚微歡并日宜柏椒猶爛熳巾幘
任欹危杓有盧鵲煖簾堪翡翠窺繁星橫野出夜
色隔林知簫並銀河迥鈿遺綺陌私銅壺清正永
寶馬醉難羈燕雀春棲改龍蛇旅跡疑忘憂同秉
燭閱世總如棋聯袂寬無禁當風妙有辭吳湘鶯
漸動江海鶴原饑末俗唯搖手餘生供畫眉陳隋
何代夢冰鐵向來姿筑散天街市雲寒太乙祠愁
中蓬作鬢別路柳成絲身已沉冥蹈狂誰禮法持

花時真勿負火樹燦征旗

早春友沂招同伯紫孝威園次仙裳定九諸
子由天寧寺橋泛舟至平山堂踏草記事
五十韻分得虞字

戰角臨江地東風草未枯嶼沙隨野濶筇杖倚晴
扶放舸排瓊瑟留寒送玉壺轉因連夕雨更長幾
花鬚古寺鷗波碧殘雲雉堞孤橋欹看渡馬樹斷
失啼烏蘭漿斜難疾芒鞋緩自俱憑高依敗壘揮
涕想援枹故老昇平事中原粉澤都輦腰曾漢舞

殿脚早吳歆秘戲親封盒迷樓不夜珠錦帆何裊
裊遼海太區區論斛螺長綠量頭鏡忽思雷鼎虛
鼓吹星酒盡歡娛世已消流水人猶在畫圖千家
圍柳絮一道約藤蕪捲幔香成市鳴箏雪作膚深
燈紅韎韐上已紫氍毹翠桁交眠蝶銀池漾浴鳧
采蓮棠是櫂選艷鳳將雛賈舶珊瑚賤旗亭玳瑁
鋪金丸低雀瓦狎客老樗蒲車騎兩京集緡錢少
府須定知天壤內似此一愁無宮闕移龍馭川原
遍虎符反裘薪勿戢巢幕燕難呼大將雄三輔盈

廷忌入厨置碁危累卵投骨怯饑狐空復堅埤障
惟聞恨僕姑全軍淒落日半壁倒前驅梅嶺還冠
烏臺城遽舳艫士驕成殺運物盛兆兵樞苔蘚腥
脂路牛羊齒舊湖有螢棲廢館無鶴飽官租國破
迴鴻鴈林昏響鷓鴣鬼吟清露析僧拾絳羅襦殘
院鼠行飯暝烟樵負芻燐荒叢斷碣霧重隱釜弧
不唱安公子能悲宋大夫蕭條雙屐在容易六朝
徂縱飲全關世傷心欲諱儒途偏窮鮑謝命總薄
黃虞廣武英雄少柴桑歲月迂遣愁因勝友得暇

賀微軀絲竹謀仍左暄淒理或誣衣偕沾杜蘅舫
漸指茱萸別緒河梁近崩潮建業趨向來思擊楫
殘日送常嘯羣態紛鋤桂諸君且據梧菰蘆沉醉
後春興慰泥塗

秋夜清心招同洞門友沂寤明孟新雨中社
集遲與治不至適仲調歸自京口卽席限

韻

建業秋仍在卽杯旅興同潮翻寒杵動鐘遠暮雲
通物態增穉嬾幽棲類阮窮何緣悲楚鳳吾道信

冥鴻碧草千林晚滄流萬壑東聞砧頭並白惜夜
燭偏紅烽火留清泌關山賦小戎十年連榻雨一
笛五更風招隱依巖桂先霜感鬢蓬孤絃揮別後
缺月墮愁中候至方搖落天高尚蘊隆狂呼聊對
遣哀怨不堪終故國悽春燕恒情愛夏虫埋憂花
底屐逃世酒家筒魏晉人多憤齊梁語竟工飄搖
惟斷卻剪伐到焦桐雪涕新亭集迴瀾大雅功神
瑩翩洗馬辨激失奔虬賦憶甘泉館譚傾碣石宮
虎頭虛設席鴈序恰排空聯袂欣芳杜停舟下早

楓邱燈檐溜隔魚鑰暗烟籠狎客銷瓊樹徵君保
菊叢漏長堪舞劍翻倦已傷弓戰伐催雌守漁樵
倖薄躬難明歌哭意閒托滑稽雄道莫冠俱溺時
防甲易衷名山還謝眺江左孰桓冲爛熳看浮
紛紜笑獵熊青霞鍾阜濕相待采芝翁

九日邀趙洞門友沂陳涉江張紫淀何寤明

宋又韓邢孟貞杜于皇鄧孝威紀伯紫余
澹心白孟新仲調姚寒玉登容與臺時張
燕筑丁繼之王公遠諸君度曲角技趙玉

林徐欽我文漪介玉叔氏鳴玉家弟孝積
並下榻市隱園築飲甚歡

天氣逢佳日不知秋思涼乍開叢桂徑同泛菊花
鴈折簡來芳葍停鞭到綠楊相期臨野嶠隨意得
歡塲池館全依水蒹葭欲犯霜閉門人蠟屐捲幔
午聞香荷菱衣初接茱萸興已長晴峰斜帶屋嘉
樹老名堂星聚無先後才多競陸梁畫宜圖畫永
言對筍蔬忘搗練孤砧白連雲萬壘黃時容歌當
哭吾敢醒而狂且側登臺帽休褰蹈海裳松楸霞

嶼外蟋蟀錦楓傍海墮開元曲踪浮少伯航百年
惟舊雨六代此重陽落葉平簪井飛塵隔建章竹
寒邀鶴語穀細動琴床歲月笙簫送艱難出處妨
醉深憑雜坐燈綠吐迴廊哀鴈聲如訴明蟾色正
蒼山川餘狎客王謝憶諸郎攬鬢非江總埋憂只
杜康林鴉千點亂征馬十年瘡不睹滄洲濶焉知
城闕荒聽猿三下淚橫笛九迴腸得侶堅游癖無
田治隱糧石泉饑自煮塵市沸如湯世取飄零避
身容燕惰藏兵銷饒節物終約老江鄉

家農部古恭兄招同柳鳳瞻趙洞門張穉恭
紀伯紫顧修遠程穆倩吳園次集齋中聽
雨限十二韻

玉立吾宗彥同岑豈異苔經深幽士集春淺暮寒
迴雪色仍侵蕙天心欲瘦梅樽如歡舊雨檐已響
輕雷密坐雲陰滿疎燈竹戶開千林森曉靄一夕
怒條枚紅袖宜書幌繁香散茗杯泥應愁滑滑月
太慘皚皚黎榻看龍卧花巢佇燕來園分金谷駘
山向習池顏此地烟霞窟羣公晉魏才窮途餘日

眼老我任芳醅終約攜柑去虛傳折柳催

時予將有行役

客衣沾自好清漏遠能陪飄泊安兵甲狂歌縱草

萊風低燕市筑岫暗楚王臺

古恭故楚人家于燕

身許羣鷗

狎名同野馬灰閒居消塊磊大隱得崔嵬蓑笠晴
堪守漁樵懶是媒兩龔家法在逸興莫相猜

春日王鐵山司空招同柳鳳瞻趙洞門程穆

倩攜具過寓園卽席限韻

衡門烟草合勝侶獨相求啓徑憐春滿看囊破客
愁鶯啼過上巳花落到邗溝旅思滄江濶餘生放

浪休逃名唯濁酒寄傲且他州飄泊天難定歡娛
老其謀何知三事貴自愛一庭幽芳藥初橫砌垂
楊欲過樓川巖仍遠志兵甲暫忘憂晝爲烟霞永
人宜嵇阮儔林香蒼蘚密雨過白蘋浮夜色搖銀
粉風簾動玉鈎狂呼聊爾爾照與悠悠踪跡疑
梁燕波瀾習海鷗平消衰鳳歎卧看爛羊侯雲集
樽前興參橫醉後眸世真容閉戶吾懶只科頭小
任何如隱長貧總似秋情深潭水並地接菊松稠
不厭頻來往輕裝信石尤

定山堂詩集卷三十四

七言排律一

六首

寒夜不寐

癸未初冬作

花朝同敬哉韞退玉叔爾唯舒章芥菴社集

秋岳齋限韻十體

清明日集雪舫齋中用杜工部韻

二首

秋杪集澹心道歸堂時園次自廣陵髯孫自

姑熟至

真空寺夜集限三十韻

定山堂詩集

目錄

卷三十四

定山堂詩集卷三十四

姪嘉禧

淮南龔鼎孳孝升著

男士稹全較

弟鼎結孝積訂

上稚

七言排律一

寒夜不寐

癸未初冬作

滄沱冰合戍雲垂霜樹凝寒上戟枝國難神州雞
唱後客心孤枕鴈來時天姬解舞珠條脫名馬爭
纏錦絡絲動地漁陽征鼓歇驚魂瀛海暮笳吹羽

定山堂詩集

七言排律

卷三十四

書驟報山東急露布欣看薊北隨一線咽喉封燧
火千家鈿瑟掩臙脂建章頻換新開府摩壘誰聞
夜捲旗外解沙飛卮盡漏中樞紙貴笑難知帳前
歌舞葡萄熟塞上功名惹苒欺閣敞平津邊報少
軍名神策大璫私貂參五夜通朝貴牛酒何年享
健兒灞上軍容同戲耳禁中髀拊亦奚爲攫釵有
例聊行樂衰甲無名總曰饑往事圖纔窮七首近
來金不鑄鴟彝崢嶸麟閣蕭條甚驃騎重來未可

期

花朝同敬哉韞退玉叔爾唯舒章芥菴社集

秋岳齋限韻十體

窮途握手柳絲前
鑪畔何辭價十千
舊夢共迴青海月
新歡況及紫騮天
三霜京雒移蓬鬢
一代河山想斷絃
送別鶯聲雙闕曉
啼殘鳳蠟五侯烟
楚歌楚舞橫中夕
春日春人負少年
鴻雪飄零慚栗里
兔葵搖落記桑田
修蛾黛減知難再
別鶴吟成祇自憐
鸚鵡已傷隨賦去
杜鵑猶許傍花眠
何期入座南山色
近在鳴笳北里邊
愛倚文章消磊塊

憎教意氣比金錢六朝風物心淒絕萬里冥飛興
邈然翡翠啁嘈翻玉樹葡萄的歷響珠泉珊鞭爭
拂蘭陵酒蝦菜聞歸渺口船

時舒章將南歸矣

彩筆象干

清漢迴冰蟾魄就故鄉圓庾徐失路因辭藻蘇李
同時恨簡編世事啣杯都欲盡莫將名姓借人傳
清明日集雪航齋中用杜工部韻

榆柳垂陰接禁烟清齋高會酒盈船天涯風俗鞦
韆日故國心期遠梗緣草長春城如有恨燕知吳
語亦相憐翠翹紫幙人何限白甌青旗事惘然蘭

室喜搖金屈戌花驄工驟錦連錢夜游秉燭猶嫌
晚可但悲愁送歲年

其二

相從避世臥牆東文字時能被俗讐花事幾人春
社聚高名一疏漢庭空千林松柏埋悽黯六代鶯
花有異同日落明駝橫塞笛暖迴南鴈問江楓空
山夜爰籠蛇後絳蠟誰家鼓吹中獨有擁書楊子
宅隔籬呼酒仗鄰翁

秋杪集澹心道歸堂時園次自廣陵髯孫白

姑熟至

秋滿雲蘿旅思孤江峰佐酒足清娛紛紜態懶稽
中散搖落天懷屈左徒共喜飄蓬安遠志未愁香
草贈文無生涯猿鶴惟高枕終古聲名屬畏途幽
士晚開深徑竹寒吟碧對一庭梧賦成枚叔濤仍
壯舟泛袁宏鴈乍呼九月菊因彭澤放十圍樹到
子山枯閒宵城闕悲看鬢老眼干戈欲送儒萬事
漸容鷗鳥狎一節長爲二陽茂葉翻古悲琴床迥
霜洗遙巒石骨癯景物建康宜謝屐人才典午只

黃鑪三年藏袖雙魚腹九畹當門幾虎鬚興託朝
霞餘我法生經喪亂惜微軀荒雞空蹴涼天夢精
衛難填大壑趨此日薜蘿從客難何方薇蕨飽山
逋臨春鐘斷聞金角午夜燈疎縱玉壺別後應劉
歡譙笑談餘周閔費樵蘇遺民皓髮貞元事

時林茂之

先輩

在座暮雨臺城古帝都氏族北來紛兩晉尊鱸東

下接三吳卑棲毛羽留衰鳳密霧宮城起訓狐頻
與美人舉杜蘅豈辭漁父臥菰蘆帽歸滄海原稱
皂童出玄亭已字烏

潛心以佳
郎見客

座上不堪歌折柳

樓頭曾許斛量珠

爲友
浙事

銜杯聞楚關河集握手乾

坤憂患殊醉許裸程追展惠隱期評論免申屠長
干宛轉餘團扇天下蕭條爲繡弧水國芙蓉情再
續他鄉蟋蟀漏將徂王家氈盡猶揮塵楊惲田空
罷索租四壁蟬書忘甲子百年燕社總枌榆種瓜
早辦鍾陵道數子能來雨雪俱

真空寺夜集限三十韻

紫鴿斜飛乍出檐夕陽人影對腰鎌爲酬同調金
羈約頓隔重城玉鏡奩雙杵遠林天漠漠一鈎初

月夜纖纖人來圯下傳書地事異新豐賣酒帘逸
興偶容停屐齒隙燠猶自映芸籤駿圖欲索空埋
骨龜策何疑更下簾彈鋏舍知賓客改含沙鋒讓
市朝銛芳懷清醒原稱獨高論吁俞豈待僉岸幘
狂歌孤憤合支頤爽氣亂峰瞻鴻還遠嶠安垂翅
松捲蒼雲直上髯藜榻膝堪名士抱草堂星已少
微占窮途眼白惟看籍恨賦情多轉吊淹自許先
鞭爭折坂誰能閉坐不舉幃衾穿雨脚何辭冷時
過冰山亦畏炎歷境味誰甘過蔗盤根材久大如

五
柿百年管鮑今黃土萬事金貂舊黑甜交拙那嫌
魚素減態深姑借雀羅覘荒雞夢破清霜候倦鳥
心棲碧樹尖四海弟兄生計薄五更燈火淚痕霑
笑非借箸身奚補談到傷弓口自箝閱世烽烟人
漸老當門蘭蕙罪宜殲得歸敢盡云今是學易先
應守一潛歡至朋簪寧易合窮來墨突總難黔紅
塵歲月風搖籜青史文章字換縑古道尚留三益
在客愁恒遣二毛添膽薪歌舞人相笑兒女英雄
志亦兼寺僻殘僧扉自闔宵長醉尉語無嫌浮生

羈旅偕吟越他日江灘可姓嚴
采隱差能寬杖笠
逢人莫更詔韜鈴
求羊肯爲頻開徑
彩筆還期傍
斗拈